

تورک گنجلىرىنه مکتوب

۲

استانبولك مقررانى

بن سزگله مملكتكيزك پارلاق استقبالى حقنده مصاحبهده بولمق ايستردم .
 ايستردم، كه اعتقادجه يك اوزاق اولمايان استقبالكزى، دها طوغرىسى بوكون
 اوجى بولمايان بوش يرلريگيزك چاير وتارلا حالته كله جگى، كولگه لي آغاجلاره
 قاپلانە جق اولان واديلرده، طاغ ياماچلرندە حيوان سورولرينك اوتلايه جنى،
 گنیش شوسه يوللرينك كوى وقصه لر يگزى بربرينه ربط ايدە جگى ومملكتكيزك
 شمندوفر شبكه لريله زينتلە جگى، شهرلريگيزده فابريقه ماكنه لرينك گورله يە جگى،
 يوز بيگلرجه چوجقلرك مکتبلرده طويلانە جقلرى وحيات اجتماعيه نك، مدنيت
 حاضرە نك يوكسك طالعه لريله عموم خلق طبقاتىده جانلانديرە جنى زمانى سزه
 تصوير ايدەيم . سزگله بوپارلاق استقبال حقنده قونوشمق ايستردم؛ زيرا
 كچيرمكده اولديغيز آغير وآجى دقيقه لر، عقل وادراكى سوندير يور، قوت
 و فعاليتى ازاله ايلور . سزده هر زماندن زياده مجادله ايچون قوته محتاج
 بولنديغيز بر صرمدە يأسه دوشيورسكيز . ايسترسه هر طرفى قارائلق قاپلامش
 اولسون، يتيشير، كه اوزاقلرده برپارلاق نقطه جق گوزه ايليشسون، زيرا بويله
 بر نقطه جق قىلبرى جذب ايلر و اراده يى جانلانديرە بيلير . فقط اميدك بولمدينى
 يردە آنجق موت وانقراض حكم سورە بيلير . مشهورايتاليا اديبلرندن (دانتە) نك
 « جهنم » نده كى « بورايە كيرنلر، هر درلو اميدلريگيزى ترك ايدىگيز! » لوحه سنى
 خاطر لايورميسكيز؟ ايشته هر درلو آرزولرى، قوه اراده يى والحاصل هر درلو
 فعاليت حياتيه يى محو وازاله ايدن اصل فلاكت بوراده در .

ايستردم، كه قىلبرليگيزده بر پارچه جق اولسون نيك بينلك اويانديرەيم .
 فقط هيات ! بو ألمده دكىلدر . زيرا حال حاضر اودرجه غم آورددر، كه شو
 صرمدە ايلكدن و پارلاقلقدن بحث اينك حقيقت ايله استهزا ايتمك و يا خود
 آنى تلويث اينك ديمكدر . مملكتكيزك استقبالى زنگين و پارلاقدر ! اوت،

فقط بو، ملتکزه عائد بر استقبالی اوله جقدر؟ بونی بیلیم. داخلی و خارجی پک بیوک مانع لرله بوغوشه رق آنلری بر طرف ایتک اقتضا ایله جکدر. ایشته شود قیقه ده بیلیم مستقبل بر سعادت یرینه سقوط و انقراضدن بحث ایتمک لکم لازم کیور؟ زیرا کندیگزی مدافعه، و محافظه ایچون بعض تدایر اتخاذ ایده بیلیم گز، اطراف گزده کی هر شینگ نه صورتله یی قیلوب بریشان اولمقده بولندیغی آکلامه گزه متوقفدر.

بن، استانبولک دوچار اولمش اولدیغی مشکل حالی و آنک ترقی مستقبلی تهدید ایدن شیلری گوسترمک ایستیورم.

بر زمانلر، استانبول دنیانک الک زنگین بر شهری ایدی. فقط اوزمانلر کچه لی جوق اولدی.. بوگون بو شهر عظیم، و قتیله بابل گی مکمل تجارت و اداره مرکز لری صاییلان بیوک شهر لریک اوغرا دقلری فلا کته معروضدر.

بیزانسیک یرینه قائم اولان استانبولک اهمیت تجاریه و سیاسی سی، آسیاده ونیل وادیسنده بیوک مراکز دولیه نک تشککندن و بومرکز لریک آوروپا ایله تزید مناسبات ایتلرندن سوکره کسب وضوح ایلشدر. بالقان یارم آطه سنک مسکون بر حاله کلمسی، وسطی آوروپانک انکشافی آسیا ایله آوروپا بیتده بر متوسط وضعیتیه کیرمش اولان استانبولک اهمیت تجاریه سی بر قاتدها آرتدیرمشدی. تورکیا حاکیتی، استانبولک بو وضعیتده پک آذربتبدل حصوله کتیرمشدر. فقط آوروپانک آمریقا ایله اولان مناسباتی تراید ایتدیگی گی بتون دنیا طرق تجاریه سنک مرکزی بحر سفیددن بحر محیط اطلاسی یه انتقال ایلش و اوزماندن اعتباراً استانبولده انقراضه یوز طوتمشدر. مع مافیله بوحال، یالکیز استانبوله مخصوص برشی اولمیوب بتون بحر سفید مملکتلرینک دوچار اولدقلری فلاکت عمومیه نک تظاها رتسندندر. اوزمان، ونیدیک سقوط ایتمش، ایتالیا پارچه لانه رق بر خرابه زاره دوئمیش و اسپانیا دخی منقرض اولمشدی.

در سعادتک مقدراتی، دهاسویش قنالتک انشایدلدیگی زمان حل و فصل اولتمشدی. بیوک واپورلر سویش قنالی سایه سنده هندستانه پک او جوز نقلیات اجراسنه باشلا دقلری کی طرق تجاریه بریه یه اولان احتیاج اورته دن قالمش و بوسورتله استانبول آوروپای

غربی ایله اولان مناسبات تجاریه منطقه سی خارچنده قالمشدر. استانبول اهک بیوک ضربه، سوریه و آناتولی دمیرویلری انشا ایدلدیکی زمان اورولمشدر. بویوللر سایه سنده سوریه و آناتولی ساحل لرنده کی تجارت لیمانلرینک اهمیت آرتمش آوروپا ایله سوریه و آناتولی آره سنده استانبولک توسطنه حاجت قالمق سزین طوغریدن طوغری به مناسبات تجاریه حصوله کلمشدر.

بوکون ازمیروحوالیسینک سنوی اخراجاتی (۶۹۵) میلیون غروشه واصل اولمشدر. حال بوکه درسعات وحوالیسینک اخراجات سنویه سی آنجق (۲۷۴) میلیون غروشدن عبارتدر. بقاء علیه ازمیر، اخراجات خصوصنده دهه شمیدین استانبولی کچمشدر. گوریلورکه آسیای عثمانینک اخراجات تجاریه ده و آوروپا ایله اولان بالعموم مناسباتنده استانبولک توسطنه احتیاجی قالمامشدر. ازمیردن ماعدا بیروت و اسکندرون لیمانلرندن مهم مقدارده اخراجات وقوع بولمقده اولدینی ده اونوتیلما ملیدر.

قره دگز لیمانلرینک انکشافی، اولا روسیه و ثانیاً رومانی و بولغارستان لیمانلرینک ترقیسی، عین تأثیری حصوله کتیرمش واستانبولک تجارت بین الملل مناسباتنده متوسط وده بو مرکزی گبی اولان اهمیتنی تنقیص ایلمشدر. درسعات، آنجق بیوک ایمپراطورلغک بر مرکز اداره سی اولق صفیه حازبولدینی اهمیت محافظه ایلمشدی. فقط ایشته بوکون استانبوله بوخصوصده سوک بر ضربه اورولدی.

ادرنه ایله برابر دیگر آوروپا ولایتینک تورکیادن آیرلمسی اوزرینه برزمانکی یزانسک، استانبولک آوروپا ایله اولان اهک اسکی روابط تجاریه سی منقطع اولور. بوندن سوکره آوروپا ایله استانبول آره سنده بر گمرک دیواری وجوده کلیور.

بوگون ما کدونیا ایله اولان مناسبات تجاریه ده اهک اهمیتلی بر موقعی بولنان سلاوینک، بوندن سوکره ما کدونیاک استانبول ایله اولان رابطه سی تماماً قطع ایله جکدر.

دیگر طرفدن بولغارلرده آطه لر دگزنده اله ایتدکلی لیمانلری

ایرلیته جکلردر . اوزمان استانبول ، هر طرف ایله قطع علاقه ایتش کندی
حالده قالمش بر شهر وضعیته گیره جکدر .

آن نهایت پای تختک آسیایه نقلی مسئله سی ده موضوع بحث اولیور، که بو ،
استانبولی تماماً محو ایده جک برتدیر اوله بیلور .

حتی استانبول، مرکز اداره بشقه بر طرفه نقل ایدلمه مش اولسه دخی، آوروپا
ولایتک ضیاعی سببیه دولت عثمانیه نک تبدیل اهمیت ایلسندن طولای دوجار
ضرر اوله جکدر .

بوکون استانبولک هنوز طوتونه بیلیمسی بر میلیون اهالی یی محتوی بولمسی
و بتون ولایاتی کندینه ربط ایدن بر مرکز عد ایدلمکده اولمسنندن ایرلی
کلمکده در .

استانبول، آنجق براسته لاک مرکزیدر . خارجدن در سعاده سنوی کلمکده
اولان اموال تجاریه نک مقداری (۱۱۴۸۱) میلیون غروشه بالغ اولدینی حالده
استانبولک اخراجات سنویه سی آنجق (۲۷۴) میلیون غروشدن عبارتدر .
دولت کوچولوبده حکومت مأمورلرینک مقداری آزالدجه استانبولده
فقیر بر شهر درجه سنه اینه جکدر ، زیرا شهر مذکورده باشلیجه مستهلکدر
مأمورلردر .

دیگر بلالر کافی ده کیلمش کبی قضالر دخی اجرای تخریباتده گجیکمبور.
یانغینلر ، بتون محلاتی محو ایده رک برر کول بیغیی حاله کتیر یور . اسکی آسیا
پای تختک سقوط و انقراضی لوحه سی بوصوله تماملاشمش اولیور . بر عصرلق
بر زمان کچه جک اولورسه ، بوشهر عظیمدن بر اثر بوله بیلیمک ایچون برلری
قازوب تخریباتده بولنمق اقتضا ایده جکدر .

فی الحقیقه عین زمانده آوروپالیرک مسکون بولندقلری بک اوغلی جهتی
بیومکده و گوزله لشمکده در . فقط بوراده کی اجنبیلر ، بر میلیونلق بوشهر عظیمی
کندی قوتلریله دیرلیته مزلر . آنلرک پایه جنی برشی وارسه آوروپادن بیوک
سرمایه دار تروستلری جلب ایدرک او یون و سائر اکلنجه لره مخصوص محللر
انشاسنه خدمت ایتک و بورادن بتون مملکت حیاتی زهرله مکدن عبارتدر .

استانبولک یگیدن جانلانوب ایلرله مسی آنجق سى و غیرت واسطه سیله
و صنایعک ترقیسی سایه سنده ممکندر . عجباً بو ، اوله بیله جکمی ؟
اگر دولت معقول بر سیاست تجاریه ، تعقیب ایدرسه بو خصوصده پک چوق
شیلر یاپه بیلیر .

استانبول تجارت اوطه سی ، استانبولک سربست بر شهر حاله افراغنی
موضوع بحث ایلکده در .

بر طرفدن بوا دیگر طرفندن ده حکومت کمرک رسومنک تزییدینه چالیشیور .
حال بوکه آوروپا ایسه دولت عثمانیه نك پاره یه اولان احتیاجنی آرتدیرمق ایچون
تورکیایه یگی یوکلر تحمیلنه حاضر لانیور .

محاربه نك ایقاع ایلدیگی ضررلری معقول بر سیاست تجاریه واسطه سیله
تلافیه چالیشمق لازمدر . اول امرده استانبولک بلغارستان و دیگر بالقان
مملکتلریله اولان مناسبات تجاریه سنك انکشافه صرف غیرت ایدملیدر . فقط
بویله یاپیله جق یرده استانبوله کله جک اولان مواد تجاریه یو کسک رسومه تابع
طوتیلیر و استانبولک اخراجاتی ده بالقان مملکتلرینک گومروکلرنده توقیف
ایدیلیرسه ، کذلک دولت بودجه سنك کوچولوسی یوزندن گرك ضابطلرک و گرك استانبول
اهالیسنك قسم اعظمی تشکیل ایلین مأمورلرک وارداتی آزاله جق اولور و عین
زمانده ویرگیلرک مقداری ده آرته جق اولورسه ، بوندن هم تجارت ، هم ده صنایع
متضرر اوله جق و استهلاکک درجه سی ده آزاله جقدرکه اوزمان استانبول
شهری و آنکله برابر بتون دولت دخی دوچار فقر اوله جقدر .

یارورس

